



SOALAN LAZIM (FAQ)
BERKAITAN PERINTAH KAWALAN PERGERAKAN
KEMENTERIAN PERDAGANGAN ANTARABANGSA DAN INDUSTRI
BILANGAN 2

1. Bolehkah saya menukar senarai pekerja yang dinyatakan di borang permohonan selepas mendapat kelulusan?

Tidak boleh. Hanya pekerja yang disenaraikan di borang permohonan sahaja dibenarkan bekerja di bahagian produksi. Bagi bahagian-bahagian lain adalah tertakluk kepada peraturan yang ditetapkan Kementerian Sumber Manusia.

2. Adakah perkhidmatan logistik syarikat yang mendapat kelulusan MITI dibenarkan beroperasi?

Bahagian logistik bagi syarikat yang telah mendapat kelulusan MITI dibenarkan untuk beroperasi tetapi pergerakan mereka di atas mod pengangkutan darat, laut dan udara adalah tertakluk kepada peraturan yang ditetapkan Majlis Keselamatan Negara dan Kementerian Pengangkutan.

Manakala, bagi perkhidmatan logistik pihak ketiga atau persendirian, mereka perlu mengikut peraturan yang ditetapkan Majlis Keselamatan Negara dan Kementerian Perdagangan Dalam Negeri dan Hal Ehwal Pengguna (KPDNHEP).

3. Adakah kelulusan yang diberikan sebelum pengumuman pemanjangan PKP terpakai sepanjang tempoh PKP?

Ya, kelulusan yang telah diberikan MITI kepada syarikat-syarikat adalah sah sepanjang tempoh pemanjangan PKP dan syarikat tidak perlu membuat permohonan baharu.

PENAMBAHBAIKAN SOALAN LAZIM NO.2

Maklumat tambahan berkenaan dengan kelulusan/ prosedur khas kilang.

2. Adakah terdapat kelulusan / prosedur khas yang diperlukan untuk kilang beroperasi sepanjang tempoh penguatkuasaan PKP?

Ya, pada 18 sehingga 19 Mac 2020 syarikat boleh memohon kelulusan untuk meneruskan operasi kilang semasa PKP dengan menggunakan borang yang boleh dimuat turun di www.miti.gov.my dan diserahkan kembali kepada:

- i. covid19.mfg@miti.gov.my atau
- ii. covid19.mfg2@miti.gov.my atau
- iii. covid19.mfg3@miti.gov.my

Permohonan daripada 20 sehingga 24 Mac 2020 mesti dihantar menggunakan sistem khas di laman sesawang MITI. Syarikat yang diluluskan akan diberi Surat Kelulusan oleh MITI untuk beroperasi, tertakluk kepada syarat-syarat yang dinyatakan sepertimana di **Lampiran 2 FAQ MITI Bil. 1**.

PENAMBAHBAIKAN SOALAN LAZIM NO.4

Maklumat tambahan berkenaan dengan pengoperasian syarikat/ kilang.

4. **Bolehkah syarikat / kilang yang diluluskan beroperasi sepenuh masa sepanjang tempoh penguatkuasaan PKP?**

Tidak. Hanya produksi pembuatan yang perlu sahaja dibenarkan untuk beroperasi, tertakluk kepada syarat-syarat yang dinyatakan. Sebarang aktiviti yang tidak kritikal perlu diberhentikan sepanjang tempoh penguatkuasaan PKP. Tempoh operasi adalah tertakluk kepada arahan Majlis Keselamatan Negara, Kerajaan Negeri serta Pihak Berkuasa Tempatan.

PENAMBAHBAIKAN SOALAN LAZIM NO.5

Maklumat tambahan berkenaan dengan pengesahan Perakuan Tempasal.

5. **Bolehkah syarikat memohon pengesahan Perakuan Tempasal (*Certificate of Origin - COO*) sepanjang tempoh penguatkuasaan PKP?**

Boleh. Permohonan pengesahan COO boleh dilakukan melalui **proses alternatif** (*back-office*) mulai 30 Mac 2020 hingga 14 April 2020. Untuk mengetahui lebih lanjut sila layari laman sesawang MITI (www.miti.gov.my) bagi **Siaran Media** dan **Soalan Lazim (FAQ)** bagi proses alternatif tersebut.

KEMENTERIAN PERDAGANGAN ANTARABANGSA DAN INDUSTRI
6 APRIL 2020